



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærentem paternè ...**

Eisvogel, Veremund

Augustae Vindelic., 1727

18. S. Thomas à Villa nova

[urn:nbn:de:hbz:466:1-52716](https://nbn-resolving.org/urn:nbn:de:hbz:466:1-52716)

officiosa Ruth. Cum triplicando hoc amoris suspirio : *Domine Jesu! O Deus cordis mei! Per illa Sanctissima vulnere, quæ amor mei inflixit in Cruce, quæso, tuis famulis subveni, quos pretioso sanguine redemisti.*

Festum S. Thomæ à Villanova
ex S. Ordine Divi Augustini Archi-
episcopi Valentini.

EXHORTATIUNCULA I.

O Nobilem in Thoma puerulum! Vidit pauperes; vidit & nudos. Quid amor suggerit? Sese propriis exiit vestibûs, & indigenti tribuit. Fili michare! Talia charitatis obsequia miramur! Si imitari non placeat, id saltem præstemus, ut proximum suò bonò Nomine, famâ, & honore denudatum ac privatum vestiamus verbis consolatoriis, defensoriis, & propugnatoriis. *Beatus, qui intelligit super egenum & pauperem; in die mala liberabit eum Dominus.* Pſal. 40.

Instructio meritoria.

Vix dies, ubi proximus non patitur in
fama

fama per linguam mordacem, acuminosam, detractoriam, & injuriosam. Sic jam propositum firmum, standi à dextris, & defendendi patientem. Nos autem ut eò firmiores in charitate erga proximum solidemur, duodecim actus hujus regię virtutis usque ad proximatam confessionem reflexè exerceamus quotidie renovandò illa ardentissimi D. Augustini desideria : *Deus meus! misericordia mea! Oro te per dilectum Filium tuum, da mihi misericordie opera, pietatis studia, compati afflictis, consulere erroneis, subvenire egenis, succurrere miseris.* Hoc Alexipharmacum, quò natura reparabitur corrupta.

II.

Quid petere à Deo solebat hic sanctus? Nunquid honores? Amplas substantias? Redditus pingues? Dies hilaritatis, & jucunditatis? Amore Christi hæc contempsit, & deseruit omnia. Preces quotidianæ erant, ut scientiam sanctorum, & rectam vitæ, morumque normam desursum obtineret. Fili, cur per multa vagamur, quæ-

quærendo bona corporis varia? Amemus unum bonum, in quo sunt omnia bona, & sufficit. Porro unum est necessarium, ut salvemus animas nostras,

Instructio meritoria.

Ut eò frequentius recordemur Domini Dei, & Christianæ obligationis nostræ, quâ tenemur declinare à malo, & facere bonum, quotidie ad elevationem S. Hostiæ in missa supplicemus pro solido peccati horrore, contemptu sæculi perfecto, & Cherubino Dei amore super omnia, subjungendo in fine missæ septem *Pater & Ave* pro lucrandis indulgentiis. Clausula sit devotus hic gemitus: *O infinita Sapiencia! Da mihi veram sapientiam, & scientiam sanctorum, ut te in veritate cognoscam, ac toto corde diligam.*

III.

Misericordias erga afflictos S. Thomæ quis enarrabit? Fili! nemo poterit; quia stupendæ, & admirabiles. Omnia, etiam ipsos Ecclesiæ redditus dispersit in egenos, adeò, ut ne quidem ei lectulus superesset, dum lu-

Stat.

Etandum cum morte. Amor! liberalitas! Misericordia erga pauperes ubi es, si non inveniari in cordibus Christianorum? *Beatius est magis dare, quam accipere.* Act. 20. *neque homo aliquid tam divinum habet, quam de aliis bene mereri.* S. Greg. Nazian.

Instructio meritoria.

Probemus vel hodie, quòd & in nostris resideat cordibus charitas erga miseros, & clementia. Demus, quantum possumus, omnibus, quotquot elemosynam petierint hodie à nobis. Si pecuniæ non sint, dimittamus saltem in bono verbo, & in Nomine Jesu memores illius: *Aurum, & argentum non est mihi.* Si sint, extendamus manum ad pauperes, & nostrâ liberalitate foveamus eos. Item & in cibis, aut potu aliquid relinquamus mentaliter dicendo: *Jesu! tibi, & miseris!* *Nunquam est vacua manus à munere, si arca cordis repleta sit bona voluntate.* S. Greg.

Festum